

ԽՍՀՄ Գերագույն խորհրդի ՈՐՈՇՈՒՄԸ

ԵՐԿԱԹՈՒՂԱՅԻՆ ՏՐԱՆՍՊՈՐՏԻ ԵՎ ԺՈՂՈՎՐԴԱԿԱՆ ՏՆՏԵՍՈՒԹՅԱՆ ԲԱԶԱՅԻՆ ԾՅՈՒՂԵՐԻ ԱՆՆԱՓԱՆ ԳՈՐԾՈՒՆԵՈՒԹՅԱՆ ԱՊԱՀՈՎՄԱՆ ԱՆՇԵՏԱԶԳԵԼԻ ՄԻՋՈՑԱՌՈՒՄՆԵՐԻ ՄԱՍԻՆ

Հաշվի առնելով երկրում ստեղծված տնտեսական բարդ դրությունը, որը խորանում է երկաթուղային տրանսպորտի ու մի շարք բազային ճյուղերի աշխատանքում տեղի ունեցող ընդհատումներով, ինչը բացասաբար է ազդում ժողովրդական տնտեսության աշխատանքի վրա, ԽՍՀՄ Գերագույն խորհուրդը որոշում է՝

1. Բեռների անխափան առաքումը և բնակչությանը վառելիքի, պարենամթերքի, արդյունաբերական ապրանքների կայուն մատակարարումն ապահովելու նպատակով, հատկապես աշնան-ձմռան շրջանում, միութենական համաբաշխությունների գերագույն խորհուրդներին ու մինիստրների խորհուրդներին, ԽՍՀՄ-ի միութենական շրջաններին ու գերատեսչություններին, ժողովրդական դեպուտատների տեղական խորհուրդների գործադիր կոմիտե-

ներից, ձեռնարկությունների ղեկավարներին՝ անհետաձգելի միջոցներ ձեռնարկել տրանսպորտի աշխատանքը խախտող հակաօրինական գործողությունները կանխարգելելու համար:

2. Հատուկ ուշադրություն դարձնել Անդրկովկասի երկաթուղիներում ստեղծված անհանդուրժելի վիճակի վրա և ռեգիոնների պետական կառավարման քոլոր մարմիններին պարտավորեցնել գնացքների նորմալ երթևեկությունը անհապաղ վերականգնել հիշյալ երկաթուղիների քոլոր տեղամասերում:

ԽՍՀՄ Մինիստրների խորհրդին հանձնարարել այդ երկաթուղիների ղեկավարումը անհրաժեշտության դեպքում դնել անմիջականորեն ԽՍՀՄ հաղորդակցության ճանապարհների մինիստրության վրա, հիշյալ երկաթուղիների գործունեության կենսապահովման առանձին տե-

ղամասերով օբյեկտների, ինչպես նաև կամուրջների ու թունելների պահպանությունը, տրանսպորտի աշխատողների ու քաղաքացիների անվտանգության ապահովումը հանձնարարել ԽՍՀՄ ներքին գործերի մինիստրությանը, ԽՍՀՄ պաշտպանության մինիստրությանը և ԽՍՀՄ հաղորդակցության ճանապարհների մինիստրությանը:

3. Այն կապակցությամբ, որ ժողովրդական տնտեսության կայուն աշխատանքն ապահովվում է տրանսպորտի ձեռնարկությունները, վառելիքաէներգետիկ համալիրը, մետալուրգիական ու քիմիական ձեռնարկությունները ձևավորում պայմաններում աշխատելուն ժամանակին նախապատրաստելով, սարքավորումների որակյալ նորոգումով, ձեռնարկություններում վառելիքի, հումքի ու նյութերի նորմատիվ պաշարների ըստեղծումով, մինչև համապա-

տասխան օրենքի ընդունումը այդ ձեռնարկություններում գործադույներն արգելել:

Միութենական ու ինքնավար համապետությունների մինիստրների խորհուրդներին, ժողովրդական դեպուտատների երկրամասացին, մարզային, օկրուգային, շրջանային ու քաղաքային խորհուրդներին իրավունք վերապահել ձմռան շրջանում փոխելու այդ տերիտորիաներում գտնվող ձեռնարկությունների, ժողովրդական տնտեսության այլ ճյուղերի աշխատանքի ռեժիմը, այդ թվում՝ տեղափոխելու հանգստյան օրերը, փոխելու աշխատանքային հերթափոխերի սկիզբն ու ավարտը, ձեռնարկությունների աշխատանքի գրաֆիկները սահմանելու՝ ելնելով էլեկտրական էներգիայի առկա ռեսուրսներ-

րից և էլեկտրակայանների հզորությունից:

4. ԽՍՀՄ Մինիստրների խորհրդին և ԽՍՀՄ Գերագույն խորհրդի համապատասխան կոմիտեներին ու հանձնաժողովներին հանձնարարել մինչև 1989 թվականի նոյեմբերի 1-ը մշակել արտակարգ միջոցառումների մասին ԽՍՀՄ օրենքի նախագիծ և մինչև 1989 թվականի դեկտեմբերի 1-ը՝ երկաթուղային տրանսպորտի մասին ԽՍՀՄ օրենքի նախագիծ:

5. ԽՍՀՄ Գերագույն խորհուրդը դատապարտում է հակաօրինական բռնի մեթոդների ու գործողությունների կիրառումը երկրի սոցիալ-տնտեսական ու քաղաքական կյանքի հարցերի լուծման ժամանակ:

ԽՍՀՄ Գերագույն խորհրդի նախագահ՝ Մ. ԳՈՐԲԱՆՈՎ

Մոսկվա, Կրեմլ, 8 հոկտեմբերի 1989 թ.